



UNIVERSITÄTS-
BIBLIOTHEK
PADERBORN

Universitätsbibliothek Paderborn

Acta Ecclesiae Mediolanensis

Actorvm Ecclesiae Mediolanensis, Pars Tertia - In Qva, Liber Memorialis Ad
populum Ciuitatis, & Dioecesis Mediolanensis, A Beato Carolo Borromaeo
Titvli Sanctae Praxedis compositus continetur

Borromeo, Carlo

Brixiae, 1603

Prima sessio.

urn:nbn:de:hbz:466:1-10502

uilegium voti decisui haberet. Responderunt singuli se nescire. In eadem Congregatione Illustrissimus Metropolitanus retulit excusationes aliquorum Episcoporum absentium, & fuerunt præsentata & admissa mandata, quæ in fine actorum describentur. Actum est de hora Congreg. publicarum, quæ post primam sessionem quotidie haberentur: vigesima prima est constituta; Patribus assentien. Illustrissimus Metropolitanus decreuit proximam sessionem in dici debere ad diem 25. præsentis mensis, qui dies in Congreg. contrahi & prorogari pro negotiorum Synodi utilitate liberè possit. Statutum præterea est, quia multa in prima sessione agenda erant, quæ vno die commodè expediri nõ poterant; vt sessio die xxv. incipienda, etiam in sequentem diem produceretur. His itaque constitutis, vnus ex Secretarijs mandante Illustriss. Metropolitano legit clara voce omnia decreta, quæ in prima sessione publicanda erant. Deinde legit professionem fidei iuxta formulam a sanctissimo D.N. traditam, quam in manibus Illustriss. D. Metropolitanus omnes Episcopi prouinciales emittere debebant, ex decreto etiam Concilij Tridentini sess. 25. cap. [Cogit temporum.] Omnia a Patribus Vnanimi consensu sunt approbata.

Prima sessio

ANno a Natiuitate Domini millesimo quingentesimo sexagesimo quinto, Indictione nona, Pontificatus sanctissimi D. N. Pij Papæ quarti anno sexto, feria secunda, quæ fuit Idibus Octobris, qui dies aperiendæ synodo indictus fuerat. Illustriss. Metropolitanus antequam ex Archiepiscopali Palatio egrediretur, vnà cum Illustriss. Cardinali Traneti Episcopo Placentino, qui pridie Placentia Mediolanum venerat, & Illustriss. Vercellensi, cæterisque Reuerendiss. Patribus, vocato Secretario vno ex Notarijs Concilij, Illustriss. D. Cardinalis Traneti dixit, se nullo modo esse subiectum Archiep. Mediolanensi, sed Ecclesiam suam Placentinam esse exemptam, seque ex forma Decreti Concilij

Tridentini eligere Metropolim Mediolani, quò scilicet ad synodum Prouincialem conueniret. Itaque protestare, se non venire ad Synodum, neq; in ea interfuturum vi subiectionis, sed tantummodo vi electionis. Illustriss. autem Metropolitanus respondit, se prætere Ecclesiam Placentinam esse sibi subiectam; sed tamen admittere præd. Illustriss. Cardinalem Tranensem, eo iure quò admitti deberet, sine præiudicio iurium ambarum ecclesiarum. His absolutis tres Illustriss. Cardinales cum cappis Rubeis, comitantibus Reuerendiss. Episcopis & Prælatibus, & subsequente Excellentiss. Senatu Mediolanen. & nobilibus quamplurimis, ierunt ad Ecclesiam Maiorem, quæ est sub inuocatione Natiuitatis Beatissimæ Virginis Mariæ. Inter Protonotarios tamen & Senatium Mediolanen. obseruatum fuit, vt pari gradu accederet vnus ex Protonotarijs a manu dextra, & vnus ex Senatoribus ex manu sinistra, quousq; numerus Protonotariorum completus fuit: & confederunt omnes in locis suis. Reuerendiss. Patres infra gradus quibus ad aram maximam ascenditur; ita locatis sedibus, vt hemicycli, & tanquam theatri speciem representarent. Procuratores Episcoporum absentium post subsellia Episcoporum: deinde Procuratores Capitulorum Ecclesiarum Cathedralium, & reliqui suo ordine: Capitulum Ecclesiæ Metropolitanæ mansit in loco suo solito, quousque Illustriss. Metropolitanus peracta Missa accessit ad altare. Tunc sederunt Canonici ad dextram & sinistram Altaris paulò post Illustriss. Metropolitanum: Illustriss. verò Cardinales Tranen. & Vercellen. sederunt iuxta Cathedram Archiepiscopi in duabus sellis. Ipse autem Illustriss. Metropolitanus accessit ad Faldistorium, & indutus est solitis vestimentis pro Missa celebranda, dum canebatur Tertia: qua perfecta celebrauit solennem Missam de Spiritu sancto, ex inffituto Diui Ambrósij: cui, & cæteris quæ in prima hac sessione peracta sunt, interfuit etiam Illustriss. & Excellentiss. Dominus Don Gabriel della Cueva Dux Albuquerquei, & locum tenens Regiæ Catholicæ

tholicae Maieſtatis in Dominio Mediolanen. vna cum praedicto Excellentissimo Senatu Mediolani.

Post Miſſam depoſita Caſula ſeu Planeta, induit Pluuiiale; ſuper quo etiam pallio Archiepiſcopali eſt indutus, & iuit ad ſedem Archiepiſcopalem.

Reuerendus Pater Benediſtus Palmius ex Societate Ieſu, petita prius benedictione ab Illuſtriſ. Archiepiſcopo, aſcendit ambonem, & habuit latinam orationem ad Patres de negotio reformationis: cuius duo initio propoſuiſſet tractaturu ſe, de difficultate reformationis, & de modo; cum duorum ſere horaru ſpatio oraffet, primu tantum Caput abſoluit. reliqua in aliud tempus diſtulit, multa enim eo die agenda erant.

Sacra concione abſoluta, Cardinales & Patres omnes de more pluuiialibus ſunt induti cum ſuis Mitris, Metropolitanus quidem cum Mitra argentea, Cardinales cum ſerica, reliqui vero Episcopii cum linea.

Dictae ſunt Litaniae & orationes conſuetae, prout in libro Pontificali, & caeremoniali.

Quibus peractis Illuſtriſ. Metropolitanus verſis renibus ad altare, ſedit in ſaldifſtorio, Cardinalibus manentibus in loco ſuo, habuitque orationem temporis & rei accommodatam. Habetur ſupra ad finem. Conc. 1. pag. 56.

Postmodum vnus ex Secretarijs accedens ad Amplitudinem eius Illuſriſſimam de ipſius manu accepit Decretum de aperienda Synodo, ſtatimque aſcendens ambonem, illud legit. & eſt tale. Illuſtriſ. & Reuerendiſ. Domini, Reuerendiſſimi Patres, Placet ne vobis, ad laudem & gloriam Sanctae & Indiuiduae Trinitatis, Patris, & Filij, & Spiritus ſancti, ad tuendam & augendam Chriſtianae Religionis Diſciplinam, pro moderandis moribus, corrigendis exceſſibus, & controuerſijs componendis Prouinciae Mediolanen. alijsque ex ſacris Canonibus permiſſis, ſacrum Mediolanenſe Prouinciale Concilium incipere? tunc alter Secretarius cum Notarijs acceſſerunt ad Illuſtriſ. Dominum Metropolitanum, & ad Patres, ſigillatim ipſorum votiſ exquirentes. Re-

ſponderunt omnes: Placet: preter Illuſtriſ. Dominum Tranenſem, qui reſpondit: Placet cum proteſtatione iam facta. Relatis votis Illuſtriſ. Metropolitanus dixit, Decretum placuit omnibus Patribus. Itaque decernimus Prouincialis Mediolan. Synodi initium fieri, & iam factum eſſe. Tunc Secretarius qui erat in Ambone, iterum acceſſit ad Illuſtriſ. Metropol. & de eius manu accepit alia Decreta tenoris infraſcripti, quae clara voce legit.

De Ratione viuendi in Synodo.

NO S Carolus Borromaeus, S. R. E. Tit. S. Praxedis Presbyter Cardinalis, ac Sanctiſſimi D. N. Papae, & Sanctae Sedis Apoſtolicae per vniuerſam Italiam Legatus de latere, Dei, & Apoſtolicae ſedis gratia Archiepiſcopus Mediolani. Illam Beati Iacobi Apoſtoli ſententiam humiliter nobis proponentes, quod omne datum optimum, & omne Donum perfectum deſurſum eſt deſcendens a Patre luminum, qui poſtulantibus a ſe ſapientiam dat omnibus affluenter, & non impropere eis; ac ſimul intelligentes, timorem Domini eſſe initium ſapientiae; omnes & ſingulos Chriſtifideles Urbis Mediolani, Ciues & Incolas hortamur in Domino, vt anteaetae vitae peccata & vitia diligenter recognoſcentes, & pie deteſtantes, poſthae a malis abſtineant, ambulent in timore Domini, & deſideria carnis non perficiant, vt orationi operam dare, ſapiffime conſiteri, Euchariftiae Sacramentum ſalutariter ſumere, Eccleſias frequentare, Dei praecipis obedire, denique pro pace Chriſtianorum conſeruanda, pro ſalute eorum, qui peruiſant quaſi rationem pro animabus reddaturi, & pro vnitae Eccleſiae, nominatim quotidie orare velint. Episcopos vero, & reliquos Sacerdotalis ordinis homines, Prouinciale Conc. in hac Ciuitate cocelebrantes, item cohortamur, vt aſſidue in Dei laudes incunſere, pure & caſte hoſtias & preces offerre, ſacrificium Miſſae ter ſaltem in hebdomada peragere ſtudeant: facientes ſicut Spiritus ſanctus per Apoſt. praecipit, obſecrationes, orationes, poſtulationes,

gra-